

Guijtz Ganid Lo Timoteu

Pabl rucuaa te guijtz lo Timoteu

¹ Narä Pabl, nacä te apost xten Jesucrist, rucuaä guijtzre lojlu. Nacä apost sa'csi si'c gunibee Dios ni rusläa nuurnu lo dojl näjza Dad Jesucrist nani cholääznu. ² Timoteu, luj najclu si'cpac xinganä lo yälirililajz. Xtadnu Dios näjza Xtad Jesucristnu gacnäjlu, gulaslajzreni luj, guscuecdxireni lastoolu.

Pabl rulijdx xcuent reni ruluii diidx-xhii

³ Che sia'ä reguedx Macedonia, gunibeä jia'nlu guedx Éfeso te gulijdxlu gaii bejn te na'c guluiireni garenca diidx, ⁴ te na'c jiutejreni rexcuent rebentientemp, te na'cza jiuduxhreni chu gujc rexpengoldooreni, sa'csi di rediidxre gacnäj guiroobru lastooreni si'c rustioob yälirililajz lastoonu. Naj rnibeä si'c chanuu gulijdxlu rebejn.

⁵ Rulijdxnu bejn te ga'preni yälrinälajz sa'reni. Ganid nanab gacnaya lastooreni, nanab ga'preni xhigabsa'c, nanabza chalilajzpacreni. ⁶ Yu'reni abaro'n rediidxre, riejytis ro'reni saniduxhreni diidx ni xhet sajcdi. ⁷ Rlajzreni gacreni bejn ni najn leii, niluxh niclaza laareni direni gacbee xhi säloj ni rniireni, niclaza xhi säloj rediidx ni ruluiireni, räjpreni, 'didxliipac dee'.

⁸ Anajnnu leii xten Dios najc sacduxhni, palga jiennu si'cni rniipacni. ⁹ Najnnu di leii gac par beñsa'c, najcni par reni najc beñlatsiaj ni di jiu leii xten Dios, näjza reni di gusoob diidx; par reben guijdx, näjza rebeñdojl; par reni di jiu Dios, näjza reni rusguee; par reni rugu't xtadni, xnanni, näjza guiraa reni rugu't bejn; ¹⁰ par reni resnäj te gunaa ni digac chäälreni, näjza reni resnäj lagajc

saniguiireni; par reni rbajn bejn; reni rnii didx-xhii; reni rnii didx-xhii si'c didxle' parsi rusguee sa'reni; näjza bejn ni rujn xhitis xhi xtee dzuun ni digac dzunsa'c, ¹¹ nalajznu sa' redzunsa'c ni rulijdx xtidx Dios-le', diidx ni ruslaa lo dojl. Narä biannää diidxre.

Rudeedni xquixtios lo Dios sa'csi rulaslajznini

¹² Rdedä xquixtios lo Dad Jesucrist ni runiidx yälrbibee narä sa'csi najnni nasobdidxä, ni'cni guleni narä gunä xtzuunni. ¹³ Luxh galoo guniyaáni, birinalä xpejnni, basacsíäreni. Niluxh Dios balaslajz narä, sa'csi dina ni-acbeä xhini'c cayunä, sa'csi gajdna chalilazä. ¹⁴ Niluxh lacti guroob gujc yälracnä jte Xtadnu, guideb yälrililajz, nä j yälšanälajz ni rajp Jesucrist.

¹⁵ Diidxre najc guliduxh, nanab chalilajz pactuni: Jesucrist biääd lo guedxliujre te guslaani reben dojl; lo reben dojl narä nacäru ben dolduxh. ¹⁶ Ni'cni balaslajz Dios narä, mase nacä ben dolduxh lo guiraareni, te ganid con narä guluiini xho rbäjz Jesucrist te chalilajz bejn xtiidxni, te filoj reni churu chalilajz xtiidxni te ga'preni yälrbajn par tejpas. ¹⁷ Dios najc reii, reii ni di guet, reii ni di guzen, laatisni najc Gueb Dios ni nanduxh, ni'cni colguiliä'p xpala'nni, colgajnni guideb guibajntu näjza par tejpas. Si'c gacni.

¹⁸ Xi'nä, Timoteu, dee najc yälrlulijdx ni runidxä lojlu te gucusa'clu si'c te soldaad ni abisieed, sigajc ni gunii reprofet xcuentlu galoo. ¹⁹ Di gunijtlu yälrililajz, bejnza xhigabsa'c, sa'csi yu'reni abar'o'n xtidx Dios, ni'c abanjtreni yälrililajz. ²⁰ Si'c gusajc Himeneo näj Alejandro, luxh abatedäreni ladznäa ben dxab te guisieedreni na'c guiniya'reni Dios.

1 Timoteo 2:1 3 1 Timoteo 2:15

2

Ruluiini xho guiniabreni lo Dios

¹ Rulidxälu ganiddoo cueedxlu, guiniablu lo Dios, gudeedlu xquixtios lo Dios xcuent guiraa rebejn.

² Guiniabzalu xcuent rereii näj guiraa reni rnibee lo guedxliujre, te gac guiban_udxinu, te gac chanuunu xnez Dios, te saru guibaj_unu. ³ Sa' yäl_rniabga najc laaca, luxh si'c rdxaglajz Dios ni rus_laa nurnu lo dojl_l guiniabnu lojni.

⁴ Dios rlajz _laa guiraa bejn_u lo dojl_l, rlajzzani gacbeepacreni xtidxliini. ⁵ Yu' tejtis Dios, näjza tejtisza nani rusiäjl_l diidx lo Dios näjza loj reben_u guedxliuj. Laani najc Jesucrist ni gujca niguii. ⁶ Jesucrist gujt lo cruja te gudijxni redojl_l xten guiraanu ni tre' lo guedxliuj. Dee gujc che gojl_l dxej ni gule Dios. ⁷ Dios gule narä te gacä apost te gusule'ä xtiidxni, yäl_rrililajz näjza didxlii lo reni di gac xpejn Israel. Si'c ni rlajz Jesucrist rniä didxlii, dina guiniä diidx ni rusguee.

⁸ Ni'cni rlazä guiraatis lajt guiniab rebejn_u lo Dios, saru guiliäs _unaareni, gusaanreni yäl_rrdxe'ch, na'c gunreni bieja.

⁹ Si'cza regunaa, saru gacwreni xhajbreni, na'c gacreni gunaroxhi, cuedxireni. Xhet si'cdi regunaa ni entis rsi-ucheduxh con oor o perl o ladsajc, rajc guichniil yej_ucni te guidxeloj bejn_ureni. ¹⁰ Masru ruhaag gunreni si'cni rchalglajz Dios, si'c riäjl_l gun guiraa regunaa ni yu' lo Dios.

¹¹ Riäjl_l dxitis gucuadiajg regunaa xtidx Dios ni rusule' reniguii. ¹² Dina xcäbä gusule' te gunaa diidx lo guiraa rebejn_u, niclaza guinibeeni lo reniguii, dxitis cueni lo rebejn_u ni cagucuadiajg diidx nani cagusule'ni.

¹³ Sa'csi ganid benchee Dios Adán, dxejctiru bencheeni Eva. ¹⁴ Luxh et Adandi basguee ben_udxab, ben_udxab basguee gunaaga, dxejc biajbni nen_u dojl_l. ¹⁵ Niluxh siliaa regunaa, palga jiuren_u xtzunreni si'c nan, palga chanuu chalilajzreni

xtidx Dios, palga chanälajzreni sa'reni, palga chutisreni lo Dios, gaczareni gunasa'c cuedxireni.

3

Xho riäj] gac reni rnibee

¹ Dee najc didx gulii: palga rlajz te niguii ga'p dzuun xten Dios, gusule'ni xtidx Dios, guinibeeni rebejn, te dzunsa'c najc ni rlajzni gunni. ² Ni'cni, ni rlajz gac nani rnibee, riäj] guiban̄sa'cni te na'c chu xhicuent guiniyaj rebejn̄ni. Riäj] gacni chää] tejtis gunaa, riäj] susiñni, gacni te ben̄sa'c, cuedxini, te guiban̄sa'cni. Riäj]za di gudxojn̄ni rolijzni guidzujn̄ bejn, nägajc riäj] gacni te bejn ni nansa'c te guluiini. ³ Na'c gacni te benḡu, nicla te ni rdxagdij] bejn, na'cza gacni te nani rsia' lajzni ga'pni xhidajl meel, riäj] cuedx̄i lajzni, na'c chanälajzni meel. ⁴ Riäj] guinibesa'cni rolijzni, saru gunni te gusoob rexi'n̄ni xtiidxni. ⁵ Sa'csi palga di te bejn gan xho guinibeeni lagajc rolijzni, aticaxh gac ga'pni guidoo xten Dios. ⁶ Di riäj] guinibee te beñcoob nani entis huililajz, te di guschä'pni xpala'n̄ni sas jiajbni lo lagajc xcäl̄naj Dios ni biajb beñdxab. ⁷ Luxh riäj]za guinii reni di chalilajz xtidx Dios laaca najcni, te na'c jianxtujyni, te na'cza jiajbni ladzn̄aa beñdxab.

Xho riäj] gac reni rcanäj nen̄ guidoo

⁸ Si'cza rediaconos riäj] gacreni bejn ni yu' xcäriejnreni, nanab gunreni si'cpac ni n̄iireni, na'cza soozreni, na'c xca'reni meel ni direni niunsa'c gaan. ⁹ Riäj] gapdzu'tzni rediidx nagajn xten yäl̄rililajz, ni'c nanab gac naya lastooreni. ¹⁰ Riäj] fixgaatu xho nabajn̄reni. Palga nabansa'creni, rutza gacdi gucuaquijdireni, saj̄c gacreni diacono. ¹¹ Regunaa ni rlajz gac diaconas riäj]za chu xcäriejnreni, na'c güireni diidx ni di guchaag, na'c soozreni, gacreni gunasa'c, cuedxireni, gunreni si'cpac ni

rniireni lo guira'ti dzuun. ¹² Riäjļ gac rediacono chääł tejtis gunaa. Riäjļ guinibesa'cni rexi'nni näj guiraa reni yu' rolizni. ¹³ Sa'csi rediaconos ni runsa'c xtzuunni, sanälajz bejnreni, dizareni guidxejb rsiudzu'tz lastooreni lo xcälřililajz xtidx Jesucrist.

Gurobduxh najc yälxhiga'tz xten Jesucrist

¹⁴ Caciaä diidxre lojlu, niluxh rlazä jiadhuigaä la'tu. ¹⁵ Luxh palga gaclää, anajnlx xho riäjļ guibajņ bejņ roliz Dios, nalajznu xquidoo Gueb Dios ni nabajņ par tejpas. Guidoore rniadszu'tz näjza ruluiiru didxlii xten Dios. ¹⁶ Rdxeloyaduxh guralii bejņ yälxhiga'tz xten xcälřnajn Dios:
 Dios biääd lo guedxliuj si'c te beņguedxliuj,
 Sprit Dxan xten Dios gunii beņdxanni;
 bahuii rexangļ Dios lojni;
 basule'reni xtiidxni lo rebejņ ni di gac xpejņ Israel;
 guira lajt huililajz bejņ xtiidxni;
 huäjsni lo xcälřdimbicha' Dios xhaguibaa.

4

Reni rbicaj lo xnezyuj Dios

¹ Aguniipac Sprit Dxan siääd redxej che chu reni guro'n yälřililajz, sucuadijgreni xtidx rebejņ ni rusguee näj xtidx rebeņdxab, ² nicla jiureni rniireni didx-xhii ni rusguee, sa'csi xhetiru xcäriejnreni, anajcni si'c najc cadro rudxujy te guiblaa: xhetru racbeedini. ³ Suluii rebejņre na'c guchnaa bejņ, suluiizareni na'c gau bejņ guiraloj, niluxh Dios bejnpac redee te xca' rebejņ ni rlilajz, ni racbeea didxlii, te gudeedreni xquixtios lo Dios. ⁴ Guiralii reni benchee Dios najc laaca, di riäjļ cuälaznu xhi rca'nu che rudeednu xquixtios loj Dios. ⁵ Sa'csi xtidx Dios näj yälřbedx-rniab lo Dios runsa'c guira'ti.

Te ni runsa'c xtzuun Jesucrist

⁶ Palga susnajlu lajz rebejtznu rediidxre, sajclu te mossa'c xten Jesucrist, luxh si'c sisieedruzalu diidx xten yärlililajz, näj yärluisa'c ni sanuulu. ⁷ Na'c jiulu ni rnii regunaroyeii ni xheti xtzuunni. Bisieed sudzu'tz lastoolu lo xtidx Dios. ⁸ Guxii sajc guinibduxh bejn te gusutijpni tiejxhni. Niluxh sacduxhru cucheeni xtidx Dios nen lastooni, sa'csi racnäjni bejn lo yäl nabajñre näjza lo yäl nabajñ ni najc par tejpas. ⁹ Dee najc didxlii, riäj chalilajz guiraatuni. ¹⁰ Ni'c riennu dzuun, rdeednu trabajw, sa'csi cabäjznu Gueb Dios ni nabajñ, ni rusläa bejn lo dojl, ganiddoo renani rililajz xtiidxni.

¹¹ Sajplu guinibeelu soob rediidxre, näjza guluiilu rediidxre. ¹² Di gusaanlu cuälazreni luj sa'csi najclu bi'n; riäj gaclu te ni suu te fii guiraa reni rililazsa'cpac xho rniilu, xho nabajñlu, xho sanälajzlu sa'lu, xho rililajzlu, näjza xho rajplu xhigabsa'c. ¹³ Laḷ ni guidzunä ro'c, biḷ xtidx Dios lo rebejn, balijdxreni, baluiiza xtidx Dios lojreni. ¹⁴ Di gusaanlu reyälñajn ni baniidx Dios lojlu cheni basuj rebengool ñaareni yejclu por xtidx Dios, guniireni diidx xcuent nani churu gac.

¹⁵ Guet-guejt basnaj lajzlu rediidxre, biusa'c rediidxre, te gac fii guiraareni xho sanuulu lo xtidx Dios. ¹⁶ Gopdzu'tz lagajc luj näjza rediidx ni ruluiilu; guzudzu'tz lo guiraa rediidxre, te si'c laalu lo dojl, te laaza reni rucua diajg xtiidxlu.

5

Xho quibannäjnu reni rililajz

¹ Na'c quidxa'lu loj te bengool; guninäjni si'c xtdalu, balijdx rebi'n si'c bejtzlu, ² balijdx renanbengool si'c xnanlu, balijdx redxap steeb si'c rebisiajnlu con rexhigabsa'c.

³ Gucnäj rebiuud ni guliipac rquiin chu gacnäjäreni te chu xhi gaureni. ⁴ Niluxh palga yu' chu biuud yu' xi'nni o xajgni, suguisiedxgaareni guibaṅṅ nayareni lo xnez Dios, te quiixreni di'n ni nasääbreni lo xtadreni, näj xnanreni ni baslaareni, sa'csi ni'c najc laaca, rdxaglaṅṅza Diosni. ⁵ Gunaa ni najcpac biuud, abia'n xtebni, ni'c rbäjztisni lo Dios, dxej-yääl rbejdx-rniabni lo Dios. ⁶ Niluxh biuud ni nabajṅṅ cadedgustisni najc si'c te ni agujt neṅṅ doṅṅ. ⁷ Basule' rediidxre lojreni te rut gucuaquijdireni. ⁸ Palga yu' chutej ni di gacnäj resa'ni, lagajc reni rbäjz rolizni, ni'c agulälaz xtidx Dios, benguijdxru najcni lo rebejṅṅ nani di chalilajz xtidx Dios.

⁹ Di gucuaalu laj rebiuud lo guijtṅṅ te gacnäjtuni palga gajdṅṅ chu gayojṅṅ iṅṅ. Riäjṅṅza gac biuudga te gunaa ni gubannäsa'c chäälni. ¹⁰ Riäjṅṅza gumbee bejṅṅni xcuent redzusa'c ni rujṅṅni; palga baslaani rexi'nni, palga bad-edlaani rolizni gues beṅṅ zijt, palga gudiibni ni' rexpejṅṅ Dios te si'c guzeṅṅ xcälṅṅnadolajzni, palga racnäjṅṅ reni rdejṅṅ trabajw, palgaza riuni rujṅṅni guira'ti redzusa'c.

¹¹ Niluxh na'c gucuaalu laj biuud ni yu' guxiiru iṅṅ sa'csi che guichaglaṅṅzreni te niguii, siälṅṅlajzreni diidx ni bia'nreni lo Jesucrist, te rlajzni guchṅṅnasacreni. ¹² Dxejc siu'reni neṅṅ doṅṅ sa'csi rbälazreni rediidx ni bia'nreni che galoo bejṅṅreni xhigab ninuureni lo xtzuun Dios. ¹³ Dxejc sia' lojreni xhet gundireni, rijreni roliz bejṅṅ ricuereni. Luxh malaii ni'ctis gunreni. Niluxh rliäszareni didxxhii, richu'reni lo xhitis, rniizareni diidx ni di guchaag guini-ireni. ¹⁴ Ni'cni rlazä rebiuud ni najc dxa'pru guchṅṅaareni stehuält, chu xi'nreni, fisa'creni rolizreni te na'c guiniyareni rebejṅṅ ni rdxe'ch lojnu. ¹⁵ Sa'csi yu' gaii biuud ni alagubicaj lo xnez Dios sanajṅṅreni beṅṅdxab.

¹⁶ Pal yu' tej resa'nu ni najc sa'ni te biuud, riäjṅṅ gac-näjnini, na'c gusaanni gutajṅṅni xtzuun guidoo, te si'c

guidoo sajc gacnäj rebiiud ni rquiinpac chu gacnäjreni.

¹⁷ Rebengool ni rnibesa'c guidoo, riäjł chanälajzru-
tureni näj gudeedrutu guiraa nani rquiinreni, si'c najc
reni rusulesa'c xtidx Dios, rulidxxa'creni la'tu con xtidx
Dios. ¹⁸ Sa'csi lo xtidx Dios caj scree: “Na'c gusälłu guijxh
ro' gon che rusiani triuu”; si'cza caj stee diidx: “Riäjł gax
bejn ni rujn dzuun.”

¹⁹ Na'c cucuadiajglu xtidx tej ni rucuaquij te bengool
palga ruti tio'p, choñ testiigw. ²⁰ Niluxh reni sanuu
rujntis dojl, riäjł gulijdxlureni nez loj reben guidoo, te
näjza laareni guidxejbreni. ²¹ Nez loj Dios, nez loj Dad
Jesucrist, nez lojza reangl ni gule Dios, rulidxdxhäu
chanuulu lo rediidxre, na'c jiuurulu tej bejn lo sa'ni. Bejn
tebloj loj guiraa rebejn. ²² Na'c gusiojb lajzlu gusujlu
naalu yejc te bejn, te gacni bejn guidoo palga gajdni
guisieed guibaŋsa'cni lo xnez Dios sa'csi lagajc yejclu jiajb
rextojłni. Gubicaj lo guiraa dolguijdx.

²³ Na'cru yälu ganax nis. Gu'za tudxe'n bin sa'csi
racxhuu xque'lu, näjza sa'csi yu'ru rexcälracxhuulu.

²⁴ Yu' bejn ruzengajc rextojłni ni'c rajcni castiigw,
niluxh yu' bejn ni di xtojłni guzengajc. ²⁵ Sigajcsa
redzuns'a'c ni rujn bejn; yu'reni ruzengajc, niluxh
mase dini guzengajc, digacdi jianxhiga'tzni, sidzujñ dxej
suzenni.

6

¹ Reni najc mos riäjł cuadiajgreni xtidx xlamreni, te na'c
guiniyaj rebejn laj Dios niclaza xtidx Dios ni rusule'nu.

² Palga yu' remos ni najc xlamni te nani rlilajz, na'c
cuälazreni rextiidxni sa'csi najcni bejtzni lo xcälrlilajz Je-
sucrist. Riäjł gunsa'crureni xtzuunni, sa'csi najcreni sa'ni
loj yälrlilajz xten Dios, luxh sanälajzzenini. Rediidxre
baluii, basule'.

Yäl̄nabansa'c näjza te lastoo ni rbedxi

³ Palga yu' chu ruluii garenca diidx, diidx ni digac didxsa'c, si'c najc xtidx Jesucrist, näjza xhet si'c diidxdi ni ruluii xho guibansa'c bejn, ⁴ bejnga rlajz guiliä'p lagajc xpala'nni, niluxh xhet najndini. Si'c te yäl̄guijdx yu'tis yejcn̄i yäl̄guiniab diidx, yäl̄rdildiidx. Luxh redee rujn rdxe'ch lajzreni, rujnni rdxe'ch bejn lo sa'ni, rujnni rniyaj bejn, rujnzani di bejn̄ guinisa'c lo sa'ni. ⁵ Rujnzani rdil̄näj bejn sa'ni. Guiraa redee gun bejn ni aguxhij̄n xcäriejn̄ni, bejn ni diru ga'p didxlii. Rchaloreni sujnreni ganduxh xcuent rediidx ni ruluiireni. Gubicaj lo sa' bejn̄re. ⁶ Niluxh yäl̄nabansa'c näjza te lastoo ni rebedxi, redee sa'cduxh. ⁷ Sa'csi xhet biopnädinu lo guedxliujre, luxh sigajcza xhet sajcdi chonänu che guetnu. ⁸ Niluxh palga rajpnu xhi gaunu, xhi gajcwnu, con ni'c riäj̄l̄ guibalaaznu. ⁹ Niluxh reni rlajz ga'p xhidalduxh meel, riajbreni lo xhigab guijdx, rujnzareni xhidajl̄ dzuun ni xhet sajcdi, ni rujn daan, ni rusiääz bejn lo yäl̄ruxhin̄, lo yäl̄rnitloj. ¹⁰ Sa'csi yäl̄rinäla-jzni meel najc xlobaa guiraa redzunguijdx. Yu'za bejn ni rlazduxh ga'pni meel, rusaanreni xcäl̄rililajz Dios, dxejc lagajc laareni rujn rdedduxhreni trabajw.

Dzun-huen xten yäl̄rililajz

¹¹ Niluxh luj, bejn̄ xten Dios, baxu'ñ lo guiraa dee, te chanuulu lo xcäl̄xhigabsa'clu näjza yäl̄nabansa'clu; te chanajllu yäl̄rililajz näjza yäl̄sanälajz; te chanuulu lo yäl̄r-becdxi lajz näjza yäl̄nadolajz. ¹² Benduxh dzuun xcuent yäl̄rililajz Jesucrist, gunazdzu'tz yäl̄nabajn̄ ni najc par tejpas. Ni'cni gurejdx Dioslu, luxh aguniilu rililajzlu xtidx Dios nez loj xhidajl̄ bejn̄, te anancheereni. ¹³ Naj̄ rulidxälu nez loj Dios ni rudeed yäl̄nabajn̄ lo guiraa ni yu' lo guedxliujre, näjza nez loj Jesucrist, ni basule' xtiidxni nez lo Poncio Pila't, ¹⁴ rnibeä guzobsa'clu guiraa rediidx

ni rniä lojlu, na'c guchaaluni, te na'c guiniyajreni luj naj niclaza cheni jiääd Xtrad Jesucristnu. ¹⁵ Sidzujñ dxejga nani agunii Dios guidzujñni. Dios ni najc le' sujn scree sa'csi laatisni najc Dios, najcni reii xten rereii, rnibeezani reni rnibee. ¹⁶ Laatisni dini guet, nabajñni lo bianij cadre rut rajcdi rbig. Nicla te bejñ gajd fii lojni, niclaza gac fiireni lojni. Xtebtis laani riäjñ ga'p rebejñ xpala'nni. Laani rajp yälrnibee par tejpas. Sugacni si'c.

¹⁷ Balijdx reni rajp xhidajñ xhixtenu lo guedxliujre, na'c guschä'preni xpala'nreni, niclaza chanälajzreni xhixtentisreni. Huenru chanälajzreni Dios ni nabajñ, ni runidix loonu guiralii xhixtenu ni rquiinnu te guibalajznu. ¹⁸ Balijdxreni gunreni dzunsa'c, gundajzreni dzunsa'c, gacnäjreni reni xhet rajpdi, cuenäsa'creni sa'reni. ¹⁹ Si'c ga'preni yälhasa'c ni guzudzu'tzreni che jiääd Jesucrist, te guiniaztzu'tzreni yälñabajñ par tejpas.

Rulijdxni Timoteu

²⁰ Timoteu, cuenäñ ni rniä lojlu. Na'c jiulu didxguijdx ni yu' lo guedxliujre, niclaza didx-xhii, niclaza rediidix ni rusguee, ni rbälajreni 'yälñajn'. ²¹ Sa'csi yu' reni sanuu yälñajnre ni'c banijtreni lo Dios xcuent yälñirililajz. Gacnäñ Dios luj. Sugacni si'c.

Xtidxcoob Dios ni biändä dad Jesucrist New Testament in Zapotec, Mitla (MX:zaw:Zapotec, Mitla)

copyright © 2006 Wycliffe Bible Translators, Inc.

Language: Zapotec, Mitla

Translation by: Wycliffe Bible Translators, Inc.

Zapoteco, Mitla [zaw], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Mitla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
